

Pangasinan - Kasalanan Masanton Sulat - Free from Death Scriptures

Roma 6:23 Ta patey so upa na kasalanan, balet bilay ya andi-anggaan so rigaloy Dios diad panamegley na pikakasakey ed Cristo Jesus a Katawan tayo.

Roma 8:2 Ta say ganggay Ispiritu, a mangiiter ed sikatayoy bilay diad panamegley na pikakasakey tid Cristo Jesus, so angibolus ed siak. Kanyan andi ak la ed silong na ganggay kasalanan tan patey.

2 Timoteo 1:10 Balet nipaamta ya nen sinmabiy Cristo Jesus a Manangilaban tayo. Inekal toy pakayariy patey, tan impaamta toy bilay ya andi-anggaan diad panamegley na Maung a Balita.

Job 5:2 Inaambagel tan andi-kakanaan so alablabas a panggunigon tan pansakit na linawa.

Oseas 13:14 Ag ko ra ilaban ed pakayari na pasen a panaayaman da ray inaatey odino iyagel ira ed pakayari na patey. O patey, ipadalan mo lay salot mo! O pasen a kawalaan da ray inaatey, ipadalan mo lay panagderal mo! Ag ko la kasian ira yan totoo.

Salmo 9:13 Kasian mo ak pa, O Katawan! Nengneng mo pa so paniirap ko ya iiter na saray kalaban ko! Ipaliis mo ak pad patey, O Katawan,

Job 6:26 No isisipen yon singa labat dagem so ibabagak, akin et eebatan yo ray salitak, anta naandian ak lay ilalo?

Job 33:22 manasingger ed sangab na lobuk.

Ezekiel 37:12,13 Kanyan mampropisiya kad saray toook ya Israelita, ta ibagam ed sikara a siak a Katawan a Dios et lokasan ko ray lobuk da. Ipaway ko ra, insan ko ra ipawil ed dalin na Israel. 13 No lokasan ko la ray lobuk ya akaipomponan na saray toook tan ipaway ko la ra, naamtaan dad satan a siak so Katawan.

Mateo 27:52 Yinmegyeg so dalin, apisag iray bato, alokasan iray lobuk, tan amayamay ya inaatey lan totooy Dios so apaolid bilay.

Genesis 2:7 Insan say Katawan a Dios angalay dabuk ed dalin, minoli ton sakey a too-too, insan to iningasan na linawan manangiter na bilay ed saray abut na eleng to, et nagmaliw a mabilay a too.

Genesis 6:17 Delapen koy intiron dalin, pian naderal so antokaman a mabilay. Ompatey ya amin iray walad tapew na dalin,

Genesis 7:15 Onung na ingganggan na Dios, sankaparis ed amin a klasiy mabilay a pinalsa

Genesis 7:22 Inatey ira yan amin sirin.

Job 12:10 Say Dios so mangiwawanwan ed bilay na saray pinalsa to; walad lima to so bilay na balang too.

Job 33:4 Say ispiritu na Dios so amalsa tan angiter ed siak na bilay.

Gawgawa 17:25 Ag to met nakaukolan so antokaman a niiter na too diad panlingkur ed sikato, ta say Dios so mangiiter ed amin na bilay, linawa, tan amin a bengatla.

Puyan 13:15 Naabuloyan may kumadwan ayep ya itdan toy linawa may talintaoy onaan ya ayep, pian makapansalita may talintao tan napapatey toy amin ya ag mangigagalang ed sikato.

Juan 10:10 Say matakew onloob labat a mantakew, mamatey, tan maneral. Linma ak dia, pian nawalaan iray bilay, bilay a nagnagnap.

Isaias 28:15 Balet natan saya so kuan na Katawan a Dios; Mangipapasen ak ed Sion na mabiskeg tan baleg a pundasion. Mangililira ak ed pundasion na baleg a baton suyok ya akapangisulatan na sarayan salita, Maanos met so malet a pananisia.

Isaias 28:18 Magmaliw ya andi-kana so impisipanan yod patey, tan naderal so impipaknaan yod pasen a panaayaman da ray inaatey. Natumba kayon nibasisig, no ondalan ed sikayoy deral.

Isaias 5:24 Kanyan natan, no panon a napoolan so dayami tan amagan dika, ontan met a naboluk iray lamut yo tan namagaan iray rosas yo, insan ira itikyab na dagem, lapud impolisay yoy imbangat ed sikatayo na Katawan a Makapanyarin-amin a masanton Dios na Israel.

Joel 1:12 Nalnes iray sengeg na ubas tan saray kiew ya igos; nalnes ya amin iray kiew a mambunga, insan ira inaatey. Naandi lay liket da ray totoo.

Oseas 13:15 Anggaman ya ombolaslas a singa dika so Israel, mangibaki ak na ampetapetang a dagem a manlapud bokig, a mamaekat ed saray sobul tan saray bobun da. Paandien to ray antokaman a mabmabli.

Puyan 22:1 Samay anghil impanengneng to met ed siak so ilog na danum na bilay. Malinew a singa kristal so danum ton manlapud tronoy Dios tan say Kordiro,

Juan 4:10 Inmebat si Jesus, "No amtam labat so iter na Dios tan no kabat mo no siopay mikekerew ed sika na inomin, miala kad sikato angangko et itdan to kay mabilay a danum."

Juan 4:14 "balet ag lan balut naapgaan so siopaman ya oninom na danum, ya iter ko. Ta say danum ya iter kod sikato magmaliw a sobul ed loob to a mangiter ed sikatoy mabilay a danum tan bilay ya andi-anggaan."

Probirbio 13:14 Sobul na bilay iray bangat da ray totoon makabat; ibaan da kan ompaliis no wala kad kaatapay patey.

Probirbio 14:27 Labay mon napaliisay patey? Say panangigalang ed Katawan et sobul na bilay.

Ezekiel 13:17-23 Inkuan na Katawan, Sika a toon ompatey, nengneng mo natan iray bibii ed saray tooom a gagawaen dan dili iray propisiya ra. Mampropisiya ka sumpad sikara 18 tan ibagam ed sikara so sasalitaen kod sikara, siak a Katawan a Dios: Pakaskasiy kipapasen yo, sikayo ran bibii! Idadaitan yo ray tooo na abel ya ibariber dad ngalngalowan da tan

ikakana rad panagsalamangka. Manggagawa kayo met na pandung da ray totoo tan ikakana ran pansalamangka, pian naoleyan da so bilay na saray arum a totoo. Pilalek yon naoleyan yo so bilay tan say patey na arum a totoo, pian makagamur kayo na bengatlan pankaabigan yo. 19 Papabaingan yo ak ed arap na saray toook, pian makala kayo labat na sinkaakup a sibada tan pigaran tinapay. Papateyen yo ray tooon ag da kanepegay ompatey, tan pansiasiansiaen yon mabilay iray tooon ag da kanepegay mambilay. Kanyan titilaan yo ray toook, et manisia rad sikayo. 20 Natan sikato ya so ibabagay Katawan a Dios: Kabosul ko ra tay abel ya ibeberber yo ed ngalngalowan ya ikakana yon panooley yo ed bilay tan patey. Bingkasen ko ran ekalen ed saray taklay yo tan ibolus ko ray tooon ooleyay yo. 21 Bingkasen kon ekalen iray pandung yo tan paekalen kod pakayari yo ray toook. Naamtaan yod satan a siak so Katawan. 22 Diad panamegley na saray panagtila yo pabebeten yoy linawa da ray maung a tooon ag ko labay a pasakitan. Sesebelan yo ray tooo ed pangibeneg dad saray kaogsan da tan pangilaban dad bilay da. 23 Kanyan natan nansamput la ray tilan pasingayew yo tan saray managpalikdon propisiya yo. Eekalen kod pakayari yo iray toook, pian naamtaan yo a siak so Katawan.

Jeremias 21:8 Insan imbaga na Katawan ed siak ya ikuankod saray tooo, Dengel kayo! Siak, say Katawan, itdan ta kayoy pankanawnawan mampili ed dalan a mamaarap ed bilay odino dalan a mamaarap ed patey.

Job 34:22 Diad imaton na Dios anggapoy bilonget a nayarin mananib ed makasalanan.

Salmo 16:10 ta iyaagel mo ak ed pakayari na patey. Matoor a nanlilingkur ak ed sika, kanyan ag mo ak ikaindan ed pasen a panaayaman da ray inaatey.

Salmo 23:4 Anggan sankabilongetay dadalanen ko, ag ak ontakot, ta wala kad abay ko. Say baston tan say pekpek mo iyaagel da ak.

Salmo 30:3 ag mo inyabuloy ya onla ak ed lobuk. Wala ak lad dalan a mamaarap ed lobuk, balet pinapawil moy bilay ko.

Salmo 49:15 Balet dondonen ak na Dios; ilaban to ak ed pakayari na patey.

Salmo 56:13 ta inlaban mo ak ed patey, tan ag mo inabuloyan a natalo ak. Kanyan mankukurang ak ed arap na Dios, diad silew ya onsisindag ed saray mabilay.

Salmo 68:20 Say Dios tayo et Dios a manangilaban; sikato so Katawan, say Katawan tayo, a mangipapaliis ed sikatayod patey.

Salmo 89:48 Siopay makapambilay ya ag ompatey? Panon a napaliisay too so lobuk?

Salmo 102:19,20 Inmosdung so Katawan manlapud masanton pasen tod tagey, manlapud tawen inmosdung ed dalin. 20 Nadngel toy tagleey da ray priso, tan imbolus to ray asintinsiaan ya ompatey.

Salmo 116:8 Say Katawan impaliis to ak ed patey; pinatonda toy panagagos

na luak, tan ag to inyabuloy a natalo ak.

Probirbio 10:2 Anggapoy kaabigan ya iter ed sika na kayaryan a nalad saolan, balet say katonungan nipaliis to kad patey.

Isaias 26:19 Mambilay lamet iray totoo min inaatey! Nabilay iray bangkay da.

Amin da ray nanaogip ed saray lobuk da et ombangon ira tan mankanta rad liket. No panon a pabebetelen na linaew so dalin, ontan met a pabilayen na Katawan iray abayag lan inatey.

Juan 5:28,29 Ag kayo mankelaw ed saya, ta onsabiy oras ya amin da ray inaatey narengel day bosis to, 29 tan nabilay ira. Saray nanggagaway maung, onoli ran naitdan na bilay ya andi-anggaan; balet saray nanggagaway mauges, onoli ran nadusa."

Juan 10:28 Iitdan ko ray bilay ya andi-anggaan. Ag iran balut nabalang tan ag iran balut nasamsam ed siak na anggan siopa.

Juan 11:43,44 Kasumpal ton imbagya ya, inmingal na maksil a kuanto, "Lazaro, paway ka!" 44 Pinmaway imay inatey ya aputipotay abel iray lima tan sali to, tan aponggu na abel so lupa to. Inkuanen Jesus ed sikara, "Okbaran yo tan paolyan yon manakar."

Juan 12:17 Nantatasi ra may karaklan ya akaimaton ed kinen Jesus nen tinawag toy Lazaro ya ompaway ed lobuk tan binilay to.

Juan 17:2 Ta initdan moy pakayarin manoley ed amin a katoowan, pian naitdan toy bilay ya andi-anggaan iray amin ya inter mod sikato.

1 Corinto 15:19-26 No say ilalo tayod Cristo et diad sayan bilay labat, sikatayo lay pangaskasiyan ed amin a katoowan. 20 Balet say katwaan et naolid bilay si Cristo a pamaneknek a naolid bilay iray inaatey. 21 No panoy insabiy patey diad panamegley na sakey a too, ontan met a sinmabiy kiolid bilay diad panamegley na sakey a too. 22 Ta no panoy ipatey na amin a katoowan lapud pikakasakey dad kinen Adan, ontan met a naolid bilay iray amin a katoowan lapud pikakasakey dad Cristo. 23 Balet balang sakey onung ed niganan panaon to: si Cristo so onaan, insan onsoblay iray totoo nen Cristo, diad ipawil to dia. 24 Insan onsabiy kasamputan, kasumpal a taloen nen Cristo iray amin a maispiritun manoley, saray walay betang tan pakayari; tan yawat tod Dios Ama so Panarian. 25 Ta nakaukolan a manariy Cristo, angkad say Dios napasuko tod sikato ray amin a kalaban. 26 Say patey so kaonuran a tatalowen.

2 Corinto 1:9,10 Abaloan min anggaay bilay mi la man. Balet agawa man, pian ag kami manmatalek ed sikamin dili, no ag ta diad Dios a mamaolid bilay ed saray inaatey. 10 Inlaban to kamid saman a makapasinagem a kaatapay patey, tan ituloy toy pangilaban tod sikami. Balbaleg so ilalo min ilaban to kami lamet,

2 Corinto 3:6 Sikatoy angiter ed sikami na pakayari min manlingkur ed balon sipanan, say sipanan ya ag inletneg ed nisulat a ganggan, no ag ingen diad Ispiritu. Ta patey so iter na nisulat a ganggan, balet bilay so iter na

Ispiritu.

Colosas 1:21,22 Nen saman, arawi kayod Dios tan nilabanan yo lapud saray maoges a ginagawa tan ninununot yo. 22 Balet natan diad panamegley na impatey na laman nen Cristo, ginawa kayoy Dios a kakaaro to, pian niyakar to kayon masanto, anggapoy pakabalawan, tan malinis, diad arap to.

Hebreo 2:9 Balet nanenengneng tayoy Jesus! Diad aganon panaon apaabeba nen saray anghil, pian diad panamegley na baleg a panangaroy Dios, nepeg ya ompatey para amin a katoowan. Nanenengneng tayo ya akoronaan natan na kagalangan tan dayew lapud asagmak ton kairapan ed impatey to.

Hebreo 2:14,15 Lapud sarayan anak et totoo ran walay laman tan dala, si Jesus et nagmaliw a too a singa sikara. Ginawa to ya pian diad panamegley na impatey to, naderal toy Diablo a walay pakayari tod patey. 15 Diad ontan imbolus to ray amin a nagmaliw ya aripen ed legay bilay da lapud takot dad patey.

Hebreo 11:5 Lapud pananisia, ag inatey si Enoc, no ag ingen niakar ed kawalaay Dios. Anggapoy makalmod sikato, ta inalay Dios. Ibabagay Masanton Sulat a kasakbayan a niakar ed tagey, apaliket toy Dios.

1 Pedro 3:18 Ta inatey si Cristo ya amimpinsan para saray kasalanan, say anggapoy kasalanan para saray makasalanan, pian niasingger to itayod Dios. Inatey onung ed laman tan pinaolid bilay onung ed ispiritu.

2 Pedro 1:3 Say pakayariy Dios et initdan to itayoy amin a bengatlan nakaukolan ed pambilay a matoor ed Dios, diad panamegley na pakapikabat tid samay anawag ed sikatayon minabang ed kagalangan tan kamaungan to.

1 Juan 3:14 Amta tayon imbeneg ti lay patey tan wala ti lad bilay, ta inaro tayo ray agagi tayo. Siopamay ag mangaaro, wala ni ed patey.

1 Juan 5:11 Saya so panagtasi: say Dios initdan to itayoy bilay ya andi-anggaan, tan sayan bilay et wala ed Anak to.

Puyan 21:6 Inkuanto nid siak, "Asumpal la! Siak so Alpha tan say Omega, say gapo tan say samput. Siopamay napgaan itdan ko na anggapoy bayar a danum a manlapud sobul na danum na bilay.